庫全書

子部

子部

全書廣博物志卷云六

詳校官侍讀學士臣洗成照

主事臣祁韻士覆勘

總校官知縣臣楊懋珩

校對官編修 准通庭药

謄録監生臣王 錦

欠日日年上午 一制法所以正定上下其等有五也八索索素 法若孔子者聖而不王制此法者有八 廣博物志 地人之治其體有三也五 董斯張 春秋 爾禮 雅記 撰 擬孝

緣易也禮體也得其事體也樣宜也得事宜也傳傳也 名之也尚書尚上也以堯為上始而書其時事也春秋 言王政事謂之雅稱頌成功謂之頌隨作者之志而別 以傳示後人也記紀也紀識之也詩之也志之所之也 也圖度也盡其品度也識纖也其義纖微也易易也言 如 徑路無所不通可常用也緯圍也反覆圍繞以成經 丘丘區也區別九州土氣教化所宜施者也經徑也 而作謂之與敷布其義謂之賦事類相似謂之比

諸弟子所語之言也程 言語謀議之得失也又曰外傳春秋以會為內以諸國 七結者易結稽覽圖乾鑿度坤靈圖通卦驗是類謀辨 正也五方之言不同皆以近正為主也論語紀孔子與 為外外國所傳之事也爾雅爾昵也昵近也雅義也義

凉中聚政和也故舉以為名也國語記諸國君臣相與

春秋冬夏終而成歲春秋書人事卒歲而完備春秋溫

欠近日年であ

終備也書緯璇璣鈴芳靈耀刑德放帝命驗運期授也

巴說題解後 鉤命火也春秋緯演孔圖元命色文耀鉤運丰樞感精 威儀也樂緯動聲儀稽耀嘉叶圖徵也孝經緯援神昇 詩緯推度災紀歷樞含神霧也禮緯含文嘉稽命徵丰 書者政事之紀也詩者中聲之所止也禮者法之大分 之綱紀也故樂至乎禮而止矣禮之故文也樂之中 合誠圖考異郵保乾圖漢含孳佐助期握誠圖潜潭 樊

也詩書之博也春秋之微也在天地之間者畢矣首

金5日月 月里

易有陰陽詩有五際春秋有災異縣即西午成亥也 云酮 春秋之元詩之關睢禮之冠婚易之乾坤皆慎始敬終 易有累書有故詩有細春秋有微 說志者莫辨乎詩說理者莫辨乎春秋捨斯辨亦小矣 說天者莫辨乎易說事者莫辨乎書說體者莫辨乎禮 言法 禮樂法而不說詩書故而不切春秋約而不速上 禮大戴 Ь

大王日年 白雪

論說辭序則易統其首詔策章奏則書發其源賦頌歌 皷以當麒麟之皮也寫孝經本當曾子家策乎孔融 五經四部書如非此文近為妄矣若子所執以為郊天 鄭康成多臆說人見其名學謂有所出也證案大要在 夫五經則四海也傳記則四瀆也諸子則涇渭也至於 為歸者皆益也理論物 百川溝洫畎澮苟能通陰陽之氣達水泉之流以四海 則詩立其本銘誄箴祝則禮總其端紀傳銘檄則春

金歩中が人口で

由是蜀學比于齊魯故地里志曰文翁倡其教相如為 秦宏云蜀本無學士文新遣相如來受七經還教吏民 銅煮海而為鹽也敢能 師 環内者也若稟經以製式酌雅以富言是仰山而鑄 秋為根並窮高以樹表極遠以改疆所以百家騰躍終

尺己日日によう

完正旦朝賀畢令羣臣能說經者更相話難義有不

輒奪其席戴憑遂重坐五十重京師為之語曰解

許慎字叔重性淳篤少博學經籍馬融常推敬之時人 紛綸井大春 井丹字大春扶風郿人博學髙論京師為之語曰五經 為之語曰五經無雙許叔重 周舉字宣光姿貌短陋而博學洽聞為儒者所宗京師 顯宗自置五家要記章句令桓郁定於宣明殿養漢 窮戴侍中 **日五經縱横周宣光**

金与巴居力量

製二十六

授關東號曰五經復與魯叔陵 魯丕字叔陵無通五經元和初拜趙相雖居官不廢教 鴻字孝公章帝時與桓郁賈遠等論定五經同異於

一孝公

周續之通五經五緯號日十經

近代有樂安任報者十二就師學不再問

火 足四事全

廣博物志

一年通三經

賈達非力耕所得誦經口倦世所謂舌耕也品造

北宫白虎觀鴻以才髙論難最明時人語曰殿中無雙

之學切而多慧王填之 號被褐先生常 衡陽王鈞手自總書五經置中箱中以備遺忘賀玠曰 徐廣年過八十猶歲讀五經一遍東 **職榮緒惇愛五經常以宣尼生庚子日陳五經拜之自** 閱且一更手寫則永不忘書 殿下家富墳索何復須此答曰中箱中有五經便於檢 歌曰將氏翁任氏童言將氏之門老而方篤任家 金グロノノニー

子得之漢初傳易有田何何授丁寬寬授田王孫王孫 秦焚書周易獨以卜筮得存唯失說卦三篇後河内女 房暉遠字崇儒牛弘每稱為五經庫以下易 許您字昭哲僕射江祜甚推重之號為經史笥或

授沛人施警東海孟喜瑯琊梁丘賀由是有施孟梁丘 氏學當立後罷後漢施孟梁丘京凡四家並立而傳者 之學又有東郡京房自云受易於梁國焦延壽別為京

次足の車全打 / 廣博物志

甚衆漢初又有東萊費直傳易其本皆古字號曰古文

母將永故有費氏之學行於人間而未得立後漢陳元 易以授瑯琊王璜璜授沛人高相相以授子康及蘭陵

卷二十六

注荀爽又作易傳魏代王肅王弼並為之注自是費氏 書無師梁陳鄭玄王弼二注列於國學齊代唯傳鄭義 大興高氏遂衰梁丘施氏高氏亡於西晉孟氏京氏有 鄭泉皆傳費氏之學馬融又爲其傅以授鄭玄玄作易

晉中經有之唯載卜筮不似聖人之肯易亡說卦宣帝

面父坐子伏此其不易也故易者天地人之道也養鑿 其變易也不易者其位也天在上地在下君南面臣北 四時更廢君臣取泉變節相移能消者息必專者敗此 易者其德也光明四通簡易立節天以爛明日月星辰 其易也變易者其氣也天地不變不能通氣五行选終 布設張列通精無門藏神無穴不煩不擾澹泊不失此 孔子曰易者易也變易也不易也管三成德為道色篇 漢首與集解又得八卦逸泉三十有一河内女子發老屋得說卦古文老子至 古文老子至

次定四軍全書

易與春秋同經總一機之織經營天道以成人事正叔 泉陰陽也陽道然而 奇故上篇三十 以象陽陰道不純 而偶故下篇三十四以法陰上

孔子曰陽三陰四位之正也易卦六十四分而為上下

基二十六

因之日歸藏烈山氏得河圖周人因之曰周易亞海

伏羲始畫八卦是為先天有圖象而未有書夏曰連山

伏羲氏得河圖夏后因之曰連山黃帝氏得河圖商人

其中殷以十二月為正地統故以坤為首兵 首艮為山山上山下是名連山雲氣出納於山夏以十 皇甫諡云夏人因炎帝曰連山連山易其卦以純艮為 歸臟歸藏易以純坤為首坤為地萬物莫不歸而藏於 三月為正人統艮漸正月故以艮為首殷人因黃帝曰 易人易也始有書矣 天易也商曰歸藏地易也有法數而未有書文王曰周

欠足り自己的

廣博物志

夏殷以不變為占周易以變為占

壁言明年祖龍死不樂卜之得游徙是矣 子修春秋九月而成卜之得陽豫之卦而史記始皇得 為異民弗之知陽豫游徙之類連山卦也演孔圖云孔 伏羲六十有四卦其名未著而神農之卦名又與今代 連山用三十六策歸藏用四十五策周易用四十九 八萬言歸藏四千三百言

初真初艮初兑初举初釐初震初巽卦皆六畫即此八

一藏初經者伏羲初畫八卦因而重之者也其經初乾

金少巴人有一

卦也海 禮含文嘉云伏義德治上下天應以鳥獸文章地應以 着老 筮明夷鯀治洪水牧占大明桀筮營惑武王伐商牧占 孔子易云有四易一世二世為地易三世四世為人易 厲山藏於蘭臺歸藏藏於太ト 歸藏卦皆六位卦又有明夷熒惑者老大明之類昔故 五世六世為天易游魂歸魂為思易勇

とこり見いき

金月四月五十 故鳥貴鄉公以孔子不言燧人氏沒伏羲氏作難之也 子而魏博士淳于俊乃以為伏羲因燧皇之圖以制卦 龍馬員圖始畫卦也益以草木紀歲也 三墳書云伏羲三十二易草木草生月雨降日河泛時 九竅以定九宫皆近取諸身遠取諸物作枝幹行為甲 即文王之所用者壺子云伏羲法八極作八卦黃帝體 河圖洛書乃則象而作易故大傳云伏羲氏作八卦此 卦之說謂之八索孔子讃易道而點八索正義以易

農演之為六十四 淳于俊對高貴鄉公曰包養因燧皇之圖而制八卦 之索非一索再索而己

古歸藏易今亡惟存六十四卦名而又闕其四與周易不

同需作溽小畜作毒蓄大畜作霉畜艮作很震作釐升作

稱剝作僕損作員咸作誠坎作榮無作兼遞作逐盡

大足の車を書

廣博物志

卦為主六十四卦三百八十四久皆出於八卦就

卦求其理則萬有一千五百二十策天下之事得故謂

何卦也 易在五帝時名八索坤三索於乾而得三男乾三索於 欽規夜分五卦岑雷林禍馬徒三複名卦不知當周易 羁解作務无妄作母亡家人作散家人海作與又有瞿

基二十六

金グロインド

孟喜易解明夷其子曰其萬子滋也言萬物方滋女也

坤而得三女遂成八卦八八相索廣生六十四

仲尼生不知易本偶筮其命得旅請易於商瞿氏曰子

有聖知而無位孔子泣而曰天也命也鳳鳥不至河無

鄭志張逸問對云我先師棘下生何時人答云蘇田氏 數之吾思夫質素白當正白黑當正黑夫質又何也吾 亦聞之丹漆不文白王不雕寶珠不飾何也質有餘者 曰師聞竟者古卦而嘆之乎孔子曰實非正色也是以 孔子卦得實喟然仰而數息意不懌子張進舉手而問 不受飾也說

屬至嗚呼天命之也嘆託而息志先養

次包里全書

時善學者所會處也齊人號之棘下生無常人也愚按

南聘善為者九人從之採獲故中書署曰淮南九師書 別錄談說之士會於稷門下 所校讐中易傳淮南九師道訓除複重定著十二篇淮 康成有易贊所謂贊云者易贊也棘下即稷下也劉向 王傅易楚王好詩猶且傳之不朽以為威事母元 任篆著易林六十四篇篆駰之祖父或曰卦林

こううう 桓問任安居今行古任定祖 經又從同郡楊厚學圖識究極其術時人稱曰欲知仲 任安字定祖廣漢綿竹人少遊太學受孟氏易兼通數 諸生為之語曰講書論易鋒難敵 日思禮東平壽張人年十四受學於徐遵明長於論難 經書京師號曰說經經經楊子行論難備備那里元東 楊政字子行治凝丘易與京兆祁聖元同好俱名善説 胰脾 拘忘

學者傳之曰杜君法馬融作周官傳授謝該通解左氏 注丹作易通論七篇世號注君通杜撫作詩題約義通 果人皆問之家曰向夢見伏羲文王周公與我論世祚 日蒙入吳吳主勸其學業蒙乃博覽羣籍以易為宗常 疑滯名謝氏釋 與亡之事日月貞明之道莫不窮精極妙未該玄吉故 在孫策座上酣醉忽臥于夢蒙誦周易一部俄而驚起

空誦其文耳衆座皆云口蒙囈語通周易拾遺

多好四月全書

張緒云何平叔不解易中七事伏曼容云何晏易中九 王弼注易刻木偶為鄭玄聚見其所誤輒呼叱之 披鹿裘布易六文焼其三以飲臣臣乞盡吞之道士言 易道在天三文足矣豈臣受命應當知經則 虞翻注易奏上曰臣郡吏陳桃夢臣與道士相遇放髮

龍之悔坤三以處下卦之上故免龍戰之災上九曰夫

廣博物志

土輔嗣注易於乾九三曰乾三以處下卦之上故免亢

安難矣初六曰陰之為道本於微弱而後積著者也故 文王明夷則王可知矣仲尼旅人則國可知矣又曰不 以剛健而居人之首則物之所不與也以柔順而為不 性其情何能久行其正於坤曰方而又剛柔而又圓求 取履霜以明其始陽之為物非基於始以至於著者也 曰進物之速者義不若利存物之終者利不及義又曰 一則佞邪之道也故乾吉在无首坤利在永貞於文言 以出處明之則以初為潛於小畜上九日大畜者畜

一多分四月五十

怒ニト

所觀者也于貴六五曰實于東帛丘園乃落實于丘園 疑於物物亦誠馬於豫初六日樂極則淫志窮則山豫 東乃戔戔用莫過儉泰而能約故必吝馬乃得終古也 上九說征之輻於大有六五曰不私於物物亦公馬不 道乃大行小畜積極而後乃能畜是以四五可以進而 之極也畜極則通是以其畜之盛在於四五至於上 可鳴於觀上九觀我生自觀其道者也觀其生為民

「人こうう ハル

于復曰凡動息則靜靜非對動者也語息則嘿嘿非對

廣博物志

† 100

思盈車吁可怪也先張之弧將攻害也後說之弧睽怪 猛為本者則患在寡恩以爱為本者則患在寡威故家 與其慢寧過乎恭家與其瀆寧過乎嚴上九曰凡物以 道則福至求禄則辱來於家人初九曰凡教在初而法 通也往不失時睽疑亡也貴於遇雨和陰陽也陰陽既 人之道尚威嚴也於睽上九曰見豕員塗甚可穢也見 在始家賣而後嚴之志變而後治之則悔矣九三曰行 語者也於順初九日安身莫若不競修己莫若自保守

|道陸央大項氏玩解日道音丸山羊也陸其所行之路 識親險而止以待其時知矣哉於革之象曰聚而無防 往而亨則不雨也小過陽不上交亦不雨也 飛音者音飛而實不從之謂也於小畜六五曰小畜尚 屈其心而亂其志我我清遠儀可貴也於中孚上九曰 也猶鴻漸于陸之陸允為羊在上卦有山羊之象 則衆生心於漸上九曰進處高潔不累於位無物可以

和羣疑亡也於寒初六曰處難之始居止之初獨見前

欠ALIDE ALED 人 廣博物志

ħ

省讀故不見也家則 **皆疑是熊周而李蜀書一名漢之書云姓范名長生自** 不言姓名題云王弼後人謝炅夏侯該並讀數千卷書 易有羁才注江南學士遂不知是何人王儉四部目錄 稱蜀才南方以晋渡江後北間傳記皆名為偽書不貴

太極者盖謂混沌之時暧昧未分日月含其輝、

紀瞻拜尚書即與顧祭同赴洛在途共論易太極榮曰

其神天地混其體理人藏其身然後廓然既變清濁乃

金りロルクラー

故能長久一生二二生三三生萬物以資始冲氣以為 地者也老子又云天地所以能長且久者以其不自生 愚謂未當夫兩儀之位以體為稱則是天地以氣為名 則名陰陽今若謂太極為天地則是天地自生無生天 物渾成先天地生誠易之太極也而王氏云太極天地 一儀著泉陰陽交泰萬物始胡六合聞拓老子云有

次定四車会馬

極而生兩儀王氏指向可謂近之古人舉至極以為驗 意者直謂太極極盡之稱言其理極無復外形外形 儀交泰四時推移日月輝其間自然之數雖經諸聖孰 誕之說非易者之意也亦謂吾子神通體解所不應疑 知其始吾子云矇昧未分豈其然乎聖人人也安得混 沌之初能藏其身於未分之内老氏先天之言此益虚 相承共同一致稱易准天無復其餘也夫天清地平兩 二儀生於此非復謂有父母若必有父母非天地其

多りいりと

多何必能頓廢前儒若謂易道盡於王弼方須大論意 遠無訛雜之失秦所不焚無崩壞之弊雖有異家之學 地之道通萬物之情自商瞿至田何其間五傳年未為 玄孝經陸澄謂尚書令王儉曰孝經小學之類不宜列 在帝典乃與儉書論之曰易近取諸身遠取諸物彌天 時國學置鄭王易杜服春秋何氏公羊傳廣氏穀梁鄭 以象數為宗數百年後乃有王弼王濟云獨所悟者

孰在禁逐止書

欠足の長を断し

者無乃仁智殊見四道異傳無體不可以一體求屢遭 金少日五人 宜並存所以合無體之義且獨於注經中己舉繫辭故 玄遠捨輔嗣而用康成豈其妄然泰元立王肅易當以 無所立學衆經皆儒唯易獨玄玄不可棄儒不可缺謂 酒點鄭置王意在貴玄事成敗儒今若不大弘儒風則 在玄弼之間元嘉建學之始玄弼兩立建顔延之為祭 女注博士行乎前代於時政由王庾皆偽神清識能言 遷執也晋太與四年太常尚松請置周易鄭

有糜信注顏益以汽寧糜猶如故顏論閏分記注當以 述前儒特舉其違又釋例之作所引唯深穀梁泰元舊 注易俱是晚出並貴後生杜之異古未如王之奪實祖 者故也今留服而去買則經有所關案杜預注傳王弼 同我者親常謂穀梁劣公羊為注者又不盡善竟無及 公羊之有何休恐不足兩立必謂范善便當除麋世有

虔而兼取賈逵經服傳無經雖在注中而傳又有無經

不復別注今若專取弱易則繫說無注左氏泰元取服

廣博物志

la/a. 10 mod lithin

۲ ۲

多分巴尼石書 孝經題為鄭玄注觀其用辭不與著書相類案玄自

賈世注經世所罕習穀梁小書無俟兩注存麋略汽率 髙同來說元凱注傳超邁前儒若不列學官其可廢矣 孟異聞周韓殊旨豈可專據小王便為該備依舊存鄭 序所注衆書亦無孝經儉答曰易體微玄實貫羣籍施

由舊式凡此諸義並同雅論疑孝經非鄭所注僕以此

書明百行之首實人倫所先七畧藝文並陳之六藝不

與蒼頡凡將之流也鄭注虚實前代不嫌意謂可安仍

之暹大悅撰仲讓為司徒中即都下為之語曰解義兩 曼容執經曼容素美風采帝每以方嵇叔夜使吳人陸 乃集朝贵名流達拏升高坐開講趙郡眭仲讓陽屈服 東魏崔暹子達拏年十三暹令儒者教其說周易兩字 探微畫叔夜像以賜之書 行得中郎

伏曼容字公儀宋明帝好周易集群臣於清暑殿請詔

舊立置旨

人已可見合動

质博物志

十九

是郭外 權會夜出城東門會獨聚一 隨言即晓始學其半餘半自通有一 忽然離散會亦不覺墮驢迷問至明始覺方知隨處乃 本道心甚怪之遂誦易經上篇第一卷不盡前後二 人隨後有似相助其廻動輕漂有異生人漸失路不由 **温愛俗姓王氏年十三初學於舅氏權會授以周易** 一驢忽有二人一人牽頭 嫗失物求會决之

得允卦會令遷試雜之遷曰若如卦判定失金欽姬驚

金グロデノフ

赵二十

而知非有異術舅乃釋策而數曰方驗後生可畏宣尼 也兒字上點表總角之象內有尖形表奉口之相推測 舅曰更依卦審悉盗者為誰對曰盗者西家白色女子 喜曰實如所辨遷曰兄是金位字脚兩聖似於致象耳 有問其故遷曰兒是西方少女之位五色分方西為白 奉口總角可年十四五者將去尋可得之後如言果獲

次定四車全等 一人

時牛弘奏請購求天下遺逸之書炫遂偽造書百餘卷

廣博物志・

漢初有魯人申公受詩於浮丘伯作訓詁是為魯詩齊 題為連山易魯史記等錄上送官取賞而去将書 子夏所傳作訓詁傳是為毛詩古學而未得立後漢有 詩終於後漢三家並立漢初又有趙人毛長善詩自云 潤益鄭泉賈達馬融並作毛詩傳鄭玄作毛詩笺齊詩 卿先儒相承謂之毛詩序子夏所創毛公及故仲又加 九江謝曼卿善毛詩又為之訓東海衛敬仲受學於曼 較固生亦傳詩是為齊詩無人韓嬰亦傳詩是為韓

義者三百十二篇亡其辭者六篇考之義理皆笙詩也 詩者天地之心君德之祖百福之宗萬物之户也詩念 日笙日樂日奏而不言歌則有聲而無辭明矣漢世毛 孔子世家古者詩三千餘篇及至孔子取其可施於禮 鄭笺至今獨立又有業詩奉朝請業遵所注立義多異

魏代已亡會詩亡於西晋韓詩雖存無傳之者唯毛詩

欽定四庫全書

學不行故曰三百五篇詩有先孔子而亡者如新宫貍

見學之可以為君子也於考舉見通世之士而不問也 首之類 之所以盛也於柏丹見匹夫執志之不可易也於淇澳 孔子讀詩及小雅喟然而嘆曰吾於周南召南見周道

於木瓜見苞直之禮行也於緇衣見好賢之心至也於

雞鳴見古之君子不忘其敬也於伐檀見賢者之先事

思明君也於七月見幽公之所以造周也於東山見周

後食也於蟋蟀見陷唐儉德之大也於下泉見亂世之

王所以敬諸侯也引 裳裳者華見古之賢者世保其禄也於采故見古之明 於蓼莪見孝子之思養也於四月見孝子之思祭也於 於黑羊見善政之有應也於節南山見忠臣之憂世也 也於鹿鳴見君臣之有禮也於形弓見有功之公報也

公之先公而後私也於狼趺見周公之遠志所以為聖

Indentional Action

子夏問日關睢何以為國風始也孔子日關睢至矣乎

關睢之人仰則天俯則地幽幽冥冥德之所藏紛紛

多好四月全書 **服之天地之間生民之屬王道之原不外此矣子夏喟** 馬翊翊自東自西自南自北無思不服子其勉强之思 之策皆歸論汲汲益取之乎關睢關睢之事大矣哉馮 萬物之所繁厚生之所懸命也河洛出書圖麟鳳翔子 郊不由關睢之至則關睢之事將奚由至矣哉夫六經 沸道之所行惟神龍化斐斐文章大哉關睢之道也

然歎曰大哉關睢乃天地之基也外傳詩

子貢問子石子不學詩乎子石曰吾暇乎哉父母求吾

建四始五際而八節通卵酉之際為革政午亥之際為 師以學於子說 孝兄弟求吾悌朋友求吾信吾暇乎哉子貢曰請於

鴻雁在申金始也卯天保也酉祈父也午采艺也然則 以明在亥水始也四牡在寅木始也嘉魚在已火始也 命神在天門出入候聽詩推 際也亥又為天門出入候聽二際也卯為

陰陽交際三際也午為陰謝陽與四際也酉為陰威

微五際也記悉 齊可歌也三篇間歌上林賦擀羣雅張揖汪云詩小 首鵲巢采繁采蘋代檀白駒騶虞八篇廢不可歌七篇商 **終邑未詳何出** |戴禮投壺云凡雅二十六篇其八篇可歌歌鹿鳴 一世說詩者以關睢為畢公作謂得之張超或謂得之

多岁口人人

妻得諫夫者夫婦榮恥共之詩云相風有體人而血

之材七十四人大雅之材三十一人

召馴字伯春少智韓詩博通詩傳以志義聞鄉里號之 之讒而殺孝子伯奇其弟伯封求而不得其韓詩之謂 恭離伯封作陳思王曹植惡鳥論曰昔尹古南信後妻 益會詩然泰離王風之首恐不可以為衛詩也韓詩云 會詩出於浮丘伯以授楚元王交劉向乃交之孫其說 衛宣公子壽関其兄攸之見害作憂思之詩恭離是也 胡不過死此妻諫夫之詩也亦齊魯韓之說歌通虎 數伯封事唯見於此新

歌定四車全書

儒林故諺曰殿上成羣許偉君 許晏字偉君授會詩於瑯琊王改學曰許氏章句列在 陳留字君期善說詩語曰關東說詩陳君期以下 孔子觀書周室得虞夏商周四代之典删其善者為百 曰德恂恂召伯春

篇遭秦滅學至漢唯濟南伏生口傳二十八篇又河內

女子得泰誓一篇獻之伏生作尚書傳四十一篇以授

郡張生張生授千乘歐陽生歐陽生授同郡倪寬

末孫惠所藏之書字皆古文孔安國以今文校之得二 絕而歐陽最盛初漢武帝時魯恭王壞孔子舊宅得其 之學故有歐陽大小夏侯三家並立記漢東京相傳不 昌傳族子勝為大夏侯之學勝傳從子建別為小夏侯 陽之學又有夏侯都尉受業於張生以授族子始昌始 授歐陽生之子世世傳之至曾孫歐陽高謂之尚書歐

欽定四庫全書

誦有五篇相合安國並依古文開其篇第以隷古文寫

质博物志

十五篇其泰誓與河內女子所獻不同又齊南伏生所

尚書並亡濟南伏生之傳唯劉向父子所著五行傅是 得立後漢扶風杜林傳古文尚書同郡賈達為之作訓 之合成五十八篇其餘篇簡錯亂不可復讀並送之官 文尚書經文今無有傳者及水嘉之亂歐陽大小夏侯 馬融作傳鄭玄亦為之注然其所傳唯二十九篇又雜 府安國又為五十八篇作傳會巫監事起不得奏上私 以今文非孔舊本自餘絕無師說晋世秘府所存有古 其業於都尉朝朝授膠東庸生謂之尚書古文之學而

並行而鄭氏甚微自餘所存無復師說又有尚書逸篇 三墳言大道五典言常道書 尚書之末情 出於齊梁之間考其篇目似孔壁中書之殘缺者故附 國學深陳所講有孔鄭二家齊代唯傳鄭義至隋孔鄭 桁市得其書奏上比馬鄭所注多二十八字於是始列 之傳奏之時又關舜典一篇齊建武中吳姚方典於大 其本法而又多平戾至東晋豫章內地梅隨始得安國

次定四車全書 人

三墳為金玉五典為琴等講肄為鐘鼓百家為笙簧扑 · 昔楚倚相能讀三墳五典八索九丘之書及孔子求古 少具調學唐虞之書曰五典康成從之而賈達亦以三 世不知其何書也孔安國以為養炎黃帝之書曰三墳 之史記自二典九丘之外三墳八索己不得而見矣後

惟峨眉山備有之皆智瓊以皇文二卷見義汔不能解 境後有八帝繼三皇而起亦以神靈為治各受其一是 上古三皇所受之書也字似符篆藏在名山多不具足 叙目云小有三皇文本出大有天皇地皇人皇各一卷 曰八索至黄帝述歷得其所謂三皇內文者此也三洞 之豈其然哉按道家者流有所謂洞神錄者謂是三墳 小有經下記云三皇治世各受其一以治天下是曰三

欽定四庫全書

遂以還之王公以帛公精勤所得傳之賢達大字叙說

得者則以授弟子孫游岳本止四卷至陶弘景分析枝 所得與世不同靚後授之葛洪是為三墳其陸修靜所 文者古初以授三皇名為皇文而三皇經叙則云鮑君 文皆刻石為字靚以總五兩告玄受之為之叙云三皇 陵鮑靚於元康二年二月二日登嵩高石室見古三皇 錄者其山中之所傳猶十一卷晋武帝時南海太守晋 一十四篇是天文次第之青小有經下記所載者十有 **卷推部本經分別儀式合一十有四卷孟先生之所**

言戾矣逢級之說正以內經素問靈樞與易當之果何 墳多是符樂等事黃蘆子西蘇公之所傳者于逢統之 流稍至十 以為共耳九丘所 劉敞曰九共九篇共當作丘古文丘與共相近故誤傳 所敬耶靈樞素問醫家明堂之書也世儒弟見深言腠 九共云予辯下土使民平平民以無傲 理莫探其朕故推之與易並非實貫也路 一卷與今皇文小異然觀三皇經文雖號 川言情性也, 言形質也

ランコンロー語にという

廣博物志

千八

多好四月五十 二百四十篇斷遠取近定可以為世法者百二十篇以 篇奏之宣帝下示博士然後易禮尚書各益一篇而尚 書二十九篇始定矣論 孝宣皇帝之時河内女子發老屋得逸易禮尚書各 孔子求書得黄帝玄孫帝魁之書迄於秦穆公凡三千 **堯與羣臣沈壁於河為握河記今尚書候是也申 紀** 百二篇為尚書十八篇為中候舞

子夏問書大義子曰吾於帝典見堯舜之聖馬於大禹

一 孔 散 語可以觀仁甫刑可以觀誠通斯七者則書之大義舉 陶謨益稷可以觀政洪範可以觀度泰誓可以觀義五 公之德焉故帝典可以觀美大禹謨禹貢可以觀事皇 **陶謨益稷見禹稷皇陷之忠勤功敷馬於洛誥見周**

次定四車全書

道致其仁則遠方歸志而致其敬馬吾於洪範見君子

廣博物志

辭順而不諂吾於高宗形日見德有報之疾也茍由其

孔子曰書之於事也遠而不漏近而不迫志盡而不怨

成文者其惟洪範乎上 之不忍言人之惡而質人之美也發乎中而見乎外以

之政是知陰清陽和五星來備風雨各以其應不有迷 此言人之應乎天也充既得舜悉試諸艱使大錄萬機

尚書者二帝之迹三王之義所以推其期運明命授之

際書之言信而明天地之情帝王之功凡百二篇第次

錯位伏明舜之行合於天也孔叢

宰我問書云納於大權烈風雷雨弗迷何謂也孔子曰

委曲尚在上也上帝之書也題解說 也邪正之跡明故考焉而皆當此三者同出于史而不 皆獲其述詩也與衰之由顯故究馬而皆得其述春秋 晋聖人述史三馬其述書也帝王之制備矣故索馬而 可雜也故聖人分焉文中

好學為博士門徒萬人伏生時年十歲乃就充石壁中

李充馮翊人自言三百歲從秦始皇登會稽望江海心

受尚書以口傳授伏子四代之事畧無遺脱伏子因而

火足の軍を動

結矣誦記之數萬遍且云食穀損人精慧故有遺失伏 誦之以絕十餘。尋縛腰誦一遍一結十餘尋之絕皆成

孝成皇帝時徵為古文尚書學東海張霸案百篇之序 異乃聘徵充衣荷草益員五嶽真形圖而至帝禮待之 子今所傳百卷得其一矣堯舜二典所關殊多帝聞神 亦號員圖先生洞冥

空造百兩之篇獻之成帝帝出私百篇以校之皆不相

應於是下霸於東東白霸罪當至死成帝髙其才而不

泰延君記堯典篇目兩字之說十餘萬家但說若稽古 地也古文雖不合時務然願諸生無悔所學養 · 誅亦惜其文而不減故百兩之篇傳在世間 a 絕何意東海衛子濟南徐生復能傳之是道竟不墜於 握持不離身出以示宏等曰林流離兵亂常恐斯經將 前於西州得漆書古文尚書一卷常寶愛之雖遭艱困 見林閣然而服濟南徐巡始師事宏後皆更受林學林 杜林字伯山博洽多聞時稱通儒東海衛宏長於古學

| 大三日東 Elen | | |

柳偃年十二武帝引見詔問讀何書對曰尚書又問有 吾初入郭與博陵崔文彦交遊嘗說王粲集中難鄭玄 勝數及勝死又送勝家錢二百萬為勝素服一 **皆漢太后從夏侯勝受尚書賜勝黄金百斤他物不可** 三萬言類 何美句對曰德唯善政政在養民衆咸異之詔尚帝 **衣成公主** 一百日朴花

金グセノノニ

数二十六

學口說尚存漢初有公羊穀梁鄒氏夾氏四家並行王 子弟子退而異說左丘明恐失其真乃為之傳遭春滅 春秋者曾史策書之名皆成周微弱典章淪廢魯以周 尚書事崔轉為諸儒道之始將發口懸見排職云文集 公之故遺制尚存仲尼因其舊史裁而正之皆口授弟 王祭也崔笑而退竟不以祭集示之照下春秋 止有詩賦銘誄豈當論經書事乎且先儒之中未聞力

LA CAL DEAL VIETO

恭之亂都氏無師夾氏亡初齊人胡母子都傳公子

金万日月月 封為左氏博士後羣儒敬固者數廷爭之及封卒遂罷 之欲立於學諸儒其應至建武中尚書令韓歆請立而 氏之學與穀梁三家並立漢末何休又作公羊解說而 孟授東海嚴彭祖魯人顏安樂故後漢公羊有嚴氏顏 賈誼為訓詁授趙人貫公其後劉歌典校經籍考而正 左氏漢初出於張蒼之家本無傳者至文帝時梁太傅 秋授東海贏公贏公授東海孟卿孟卿投魯人眭孟眭 未行時陳元最明左傅又上書訟之於是乃以魏郡李

後學三傳通講而左氏唯傳服義至隋杜氏盛行服義 孔子教授堂以為宮得佚春秋三十篇左氏傅也公羊 春秋左氏傳者益出孔子壁中孝武皇帝時魯共王壞 及公羊穀梁浸微今殆無師說降往之學完其之學 預又為經傳集解穀梁范寧注公羊何休注左氏服處 講郎其後賈達服虔並為訓解至魏遂行於世晋時杜 杜預俱立國學然公羊穀梁但試讀文而不能通其義

然諸儒傅左氏者甚衆中平中能為左氏者擢高第為

次起四東全

高穀梁赤胡母氏皆傳春秋各門異戶獨左氏傳為近 仲尼作春秋老明路電觚而聽之曰是何書也曰春秋 得實何以驗之禮記造於孔子之堂太史公漢之通人 皆孔子受端門之命制春秋之義使子夏等十四人求 也左氏之言與二書合公羊萬穀梁赤胡母氏不相合 **氏童僕妻子皆呻吟之論** 又諸家去孔子遠遠不如近聞不如見劉子政玩弄左 子莊

致治世之要務也序羊 周觀書於周史 嚴氏春秋引觀周篇云孔子將修春秋與左丘明乗如 周史記得百二十國實書即 孔子有云吾志在春秋行在孝經此二學者聖人之極 孔子作春秋孝經告備於天赤虹貫日自上而下化為 **尼經成紫微降光**和 記搜神

因

欠己の事という

廣博物志

-+ J

明乎經變之事然後知輕重之分可與適權也繁 婚禮不稱主人經禮也辭窮無稱主人變禮也天子三 性雖不安於心雖不平於道無以易之此變禮也是故 春秋有經禮有變禮馬如安性平心者經禮也至有干 孔子曰春秋屬商孝經屬参 年然後稱王經禮也有物故則未三年而稱王變禮也 人無出境之事經禮也母為子娶奔喪父母變禮也

基二十六

春秋二百四十二年之文天下之大事變之博無不有

也因其所以至者而治之一指也强幹弱枝大本小末 流也舉事變見有重焉一指也見事變之所至者一 也雖然大畧要有十指十指者事之繫也王化之由得 指也別嫌疑異同類一指也論賢才之義别所長之 一指也木生火火為夏天之端一指也切刺譏之所 指也親近來遠同民所欲一指也承周文而反之

大王の事を時

孔子之春秋素王之業也諸子之傳書素相之事也論

廣博物志

Ī

罰考變異之所加大之端一指也上

黃帝坐扈閣鳳凰即書致帝前其中得五始之文謂此 始正月者政教之始公即位者一國之始春秋緯書云 說公羊者云元者氣之始春者四時之始王者受命之 左氏之傳史之極也文采若雲月萬深若山海非堂

金ダセノノー

穀梁子名似字元始魯人一名赤頭師古受經於子夏

為經作傳傳孫卿卿傳曾人中公申公傳博士江翁具

各市宅具旁以就學焉養 猶多繁辭乃減為二十萬言更名張氏學孫林等慕之 為張曾子七歲通春秋復欲進餘經父母曰汝小未能 法家仲舒春秋决獄十卷唐 千秋為即由是行於世熟 後魯人榮廣大善穀梁又傳黎千秋漢宣帝好春秋擢 也霸日我饒為之故字曰饒焉霸以樊條刪嚴氏春秋 張霸字伯饒蜀郡成都人也年數歲而知孝讓鄉人號

っていり時になる

廣博物志

ニナナ

立統無繁露注云見之所垂也有聯貫之泉春秋屬辭 賈達字梁道好春秋及為牧守常自課之月讀一遍上 父黨宿儒皆造其門所居成市華陰山南遂有公超市 張指字公超通嚴氏春秋古文尚書門徒賓客慕之自 比事仲舒立名或取諸此申與 繁露之名先儒未有釋者案逸周書王會解天子南面 延篤少從唐溪李度受左氏傳篤欲寫無紙乃借本誦

到好四月百十

作者此人良久對曰平生實不殺陳作令察謬誤因復 後入見今問君讀何書答曰唯業公羊傅試問誰殺陳 治使尼父更起於,沐泗君當編名七十與游夏爭匹賢· 矣季度嘆曰嗟乎延生雖復端木聞一知二未足為喻 有甲欲謁見邑宰問左右令何所好或語曰好公羊


之及旬辭歸李度日卿欲寫傳何故辭歸篤曰己誦之

次定四車全里 一

戲之曰君不殺陳作請是誰殺於是大怖徒跣走出人

廣博物志

若易人倫之紀莫若禮左氏相斫書耳不足精意也 首爽年十二通春秋論語林喬見而稱之曰可為人 問其故乃大語曰見明府便以死事見訪後直不敢復 金りゅんと言 隗禧字子牙魚豢嘗從問左氏傳禧答曰欲知幽微並 來遇赦當出耳妹 會辨析長短蘇機捷而輸內口時屈無以應蘇日 漢 翰善公羊鍾蘇好左氏蘇謂公羊為賣餅 師



東者字元則學通五經常往弟子縣廷雅惟下屏牀 有數生論左傳義不平泉傍聞之不能忍乃忿然為

禁者數千人安貧樂道潛心著述不出門庭數十年以

劉兆字延世濟南東平人北博學治聞溫寫善誘照

經而三家殊童諸儒是非之議紛然互為響敵

欠臣可事全時

廣博物志

字者門人大怒非曰聽前既進踞林問非曰聞君大學 至非門外曰各欲見劉延世北儒德道素青州無稱其 解詁皆納經傳中朱書以別之又撰周易訓註以正動 二體互通其文凡所讚述百餘萬言當有人著難騎驢 其長短以通之又為春秋左氏解名曰全綜公羊穀梁 乃思三家之異合而通之周禮有調人之官作春秋調 比何所作非答如上事末云多有所疑客問之非說疑 人七萬餘言皆論其首尾使大義無乖時有不合者舉

客曰親親在此管葬宜赴之後當更來也既去非令人 視葬家不見此客竟不知姓名書 劉蘭學徒前後數十成業者聚而排毀公羊又非董仲 **取客曰此易解耳因為辨釋疑者是非耳兆別更立意** 難非不能對客去己出門北欲留之使人重呼還

欠とりまでは

一唇今欲相名當為君正之言終而出蘭少時患死

质博物志

舒由是見識為國子助教靜坐讀書有人叩門蘭命引

入葛中單衣入與蘭坐謂曰君自是學士何為每見毀

襲首卿深本分銀指歸殊致其書 丘明傳珠四之風公羊宗西河之學張奢傳左氏賈誼 金グログノニー 各有分理離之則州郡殊別合之則寫內為一 自大道既隱天下為家先王制其夫婦父子君臣上下 劉之遊著春秋大意三傳同其合三十事武帝詔答曰 宋謝莊分左氏經傳隨國立篇製木方大圖山川土地 親疏之節至於三王損益不同周衰諸侯僭成惡其害)多被焚削自孔子時己不能具至秦而領滅漢初有

臺記着授以人戴德及德從兄子聖市人慶普於是有 之記並無敢傳之者唯古經十七篇與高堂所傳不殊 大戴小戴慶氏三家並後漢唯曹元傳慶氏以授其子 而字多異自爲堂生至宣帝時后倉最明其業乃為曲 事而又得司馬穰苴兵法一百五十五篇及明堂陰陽 好古愛學收集餘燼得而獻之合五十六篇並威儀之

高堂生傅禮十七篇又有古經出於海中而河間獻王

褒然三家雖存並微相傳不絕漢末鄭玄傳小戴之學

後以古經校之取其於義長者作注為鄭氏學其喪服 一多定 四庫全書 於世河南缑氏及杜子春受業於歌因以教授是後馬 補其處合成六篇奏之至王莽時劉歆始置博士以行 李氏得周官周官益周公所制官政之法上於河間獻 得仲尼弟子及後學者所記一百三十一篇獻之時亦 融作周官傅以授鄭玄玄作周官汪漢初河間獻王又 王獨關冬官一篇獻王購以千金不得遂取考工記以 篇子夏先傳之諸儒多為注解今文別行而漢時有

注今周官六篇古經十七篇小戴記四十九篇凡三種 篇王氏史氏記二十一篇樂記二十三篇凡五種合 記漢末馬融遂傳小戴之學融又足月令一篇明堂位 無傳之者至劉向考校經籍檢得一百三十篇向因第 百十四篇戴德删其煩重合而記之為八十五篇謂之 而叙之而又得明堂陰陽記三十三篇孔子三朝記七 大戴記而戴聖又删大載之書為四十六篇謂之小載 篇樂記一篇合四十九篇而鄭玄受業於融又為之

とこの事 という

廣博物志

金分四月石書 景鸞字漢伯少隨師學經涉七州之地作易說及詩解 橋玄祖仁從戴德學著禮記章句四十九篇號日橋君 周公太平之書周禮為末儀禮為本儀禮 唯鄭注立于國學其餘並多散亡又無師說情 文的兼取河洛以類相從名為與集又撰禮內外記號 禮客益部者 (霸於獄中受書崔瑗於獄中問禮 後漢

習而音隔楚夏故學徒不至唯助教沈峻特精此書比 日時開講肆群儒劉嵒沈宋沈熊之徒並執經下坐北 禮為兼國子助教時吏部即陸倭與僕射徐勉書薦於 自課睡則以杖自擊其篤志如此遂博通五經尤長三 **羣經源本此學不傳多歷年世北人孫詳蔣顯亦經聽** 曰凡聖賢所講之書公以周官立義則周官一書實為 沈峻字士萬吳與武康人也家世農夫至峻好學書

次定四草全当 一

面受業其不數服人無間言弟謂宜即用此人令其專

廣博物志

t T

五經博士於館講授聽者常數百人 學周而復始聖人正典廢而復與勉從之奏峻兼

太子臨國學親臨策武諸生於坐間少轉王儉曰曲禮 今總同敬名將不為昧儉曰鄭玄云禮主於敬便當是 云無不敬尋下之奉上可以尋禮上之接下慈而非敬

須別稱儉曰尊卑號稱不可悉同爱敬之名有時相次 **单所同太子曰若如來通則忠惠可以一名孝慈不**

忠惠之與誠似聖旨孝慈互舉竊有徵據禮云不勝喪

名雖同深淺既異而文無差別彌復增疑儉曰繁文不 金紫光禄大夫張緒緒曰思謂恭敬是立身之本尊早 奉先思孝接下思恭此又經典明文互相起發太子問 兼此二逢唯在一極今乃移敬接下豈復在三之義儉 可備設各言深淺己見傳云不忘恭敬民之主也書云 曰資敬奉君必同至極移敬逮下不慢而己太子曰敬 比于不慈不孝此則其義太子曰資敬奉君資爱事親

大足の見から

所以並同太子曰敬雖立身之本要非接下之稱尚書

廣博物志

一多グログノブ 太子問王儉曰周易乾卦本施天位而說卦云帝出乎 太子又以此義問諸學生謝幾卿等十一人並以筆對 敬以明大體尊甲事數備列後童亦當不以總界而礙 嫌正欲使言與事符輕重有別耳臨川王暎曰先舉少 禮者敬而己矣自上及下愚謂非嫌太子曰本不謂有 震震本非天義豈相主儉曰乾健震動天以震動為德 云惠鮮鰥寡何不言恭敬鰥寡邪緒曰今别言之居然 有恭惠之殊總開記首所以共同斯稱竟陵王子良曰

弘宣雖易去聖轉遠其事彌輕既云人能弘道將恐人 物尚近接引非陽弘宣規教義在於此儉曰接引非 子而寄曾子太子曰曾生雖德整體二而色養盡禮去 一故言帝出震太子曰天以震動為德君自體天居位震 尼居曾子侍夫孝理弘深大賢方盡其致何故不授顏 震萬物出乎震故亦帝所與焉儉又語太子曰孝經仲 雷為聚豈體天所出儉曰主器者莫若長子故受之以

次足马車在門

輕道廢太子曰理既有在不容以人廢言而況中賢之

廣博物志

+

由禮武帝使誦之即誦上篇左右驚數以 **梁元天才英發音響若鐘年五歲武帝問所讀書對** 太子曰不因積習而至所以可為德本暎曰率由斯至 不俟明德夫孝榮親衆德光備以此而言豈得為本太 本常是所疑德施萬善孝由天性自然之理豈因精習 以長年臨學亦前代未有也高齊 日孝有深淺德有小大因其分而為本何所稍疑太

金グロアと言

才弘上聖之教寧有壅塞之嫌臨川王暎諮曰孝為德

經籍以顏本比古文除其繁惑以十八章為定鄭眾馬 三童并前合為二十二童孔安國為之傳至劉向典校 禹皆名其學又有古文孝經與古文尚書同出而長孫 有閨門一章其餘經文大較相似篇簡缺解又有行出 長孫氏博士江翁少府后營諫議大夫異奉安目侯張 書為河間人顏芝所藏漢初芝子貞出之凡十八章而 孝經以總會之明其枝流雖分本的于孝者也遭秦焚 孔子既叙六經題目不同指意差別恐斯道離散故作

| 大に口口 | Chi

書又云魏氏遷洛未達華語孝文帝命侯伏侯可悉今 儒者喧喧皆云炫自作之非孔舊本而秘府又先無其 述其義疏講於人間漸聞朝廷後遂至令與鄭氏並立 書監王劭於京師訪得送至河間劉炫炫因序其得喪 學而安國之本亡於梁亂陳及周齊唯傳鄭氏至隋秋 所著餘書不同故疑之梁氏安國及鄭氏二家並立國 融並為之注又有鄭氏注相傳或云鄭玄其立義與玄 以夷言譯孝經之旨教於國人謂之國語孝經情

大学としたとう

臣父學孔氏古文撰具一篇并上 明帝正坐自講諸儒執經問難於前又別立校舍自期 國三老所獻建武時議即衛宏所校皆口傅官無其說 建光元年許冲上父慎說文曰古文孝經孝昭帝時曾 孔子作孝經使七十二子向北辰磬折曾子抱河洛事 羽林之士悉今通孝經章向後漢 向孔子籍標筆衣絲單衣向北辰而拜幸經接 前式

次定四車全書 1

獻帝尚書令王允奏曰太史令王立說孝經六隱事能

廣博物志

9十六

随唯貴孝經一卷 示不忘孝道王隱 皇甫證篤論曰氣絕之後便時服幅中以遽除惠 卷三重麻約二頭置尸靈林上擇不毛之地穿坑十尺 竹單貫九宮其上隨日得出入上 消却姦邪常以良日與立入為帝說孝經一章以丈二 一大二尺廣六尺坑訖去牀下屍平生之物皆無自

張融臨終與子書云吾生平行善自當凌雲一笑三千

(無製新象左手執孝經老子右手執小品法華

皇侃性至孝當日限誦孝經二十遍以比觀世音經 以吾平生風調何至使婦人行哭失聲不須整停閨閣

經歡口可取仲尼居置病人枕邊恭敬之自差也病者 **翻歡字景怡有病邪者問歡曰家有何書答曰惟有孝**

經晝夜不息如此者三時疾忽然而愈以下論典 徐陵子份有孝行陵嘗遇疾甚寫份燒香泣涕跪誦孝

果愈後人問其故歡曰正勝邪此病者所以差也喜

次定の事を替

廣博物志

禹尚書五鹿充宗膠東庸生學則常山都尉襲奮長信 安目侯張禹正名其學張禹本授哥論晚講齊論後遂 論語漢初有察魯之說其蘇人傳者二十二篇會人 合而考之刑其煩感除去發論問王知道二篇從魯論 少府夏侯勝韋丞相節侯父子魯扶卿前將軍蕭望之 者二十篇齊則昌邑中尉王吉少府宗畸御史大夫貢 二十篇為定號張侯論當世重之周氏包氏為之章句

馬融又為之訓又有古論語與古文尚書同出章句煩

三名始於茲矣自論語己前經無論字六韜二論後人 **首仲尼微言門人追記故仰其經目稱為論語益羣論** 七古論先無師說梁陳之時唯鄭玄何晏立於國學而鄭氏 甚微周齊鄭學獨立至隋何鄭並行鄭氏威於人間情 吏部尚書何娶又為集解是後諸儒多為之注齊論遂 為之注魏司空陳屋太常王肅博士周生烈皆為義說 省與晉論不異唯分子張為二篇故有二十一篇孔安 國為之傳漢末鄭玄以張侯論為本祭考齊論古論而

アスしり ラーハスラ

追隨者文心 童帝賜黃香淮南孟子各一通後漢書 通賓客曰兒子有才能以致禍也此史。 終王智積每懼禍自損有五男止教論語孝經亦不令 孟子又有外書四篇性善辯文說孝經為正其文不能 弘深不與內篇相似非孟子本真後世依放而託之者 |海經禹益所記而有長沙零陵桂陽諸暨後人所異 經 ۶Z ンく

多分四月五十

觀於古足以辯言矣三朝 爾雅有張仲孝友張仲宣王時人非周公之制明矣余 所益或言叔孫通梁文所補 劉向謂史佚教其子以爾雅或言仲尼所增或言子夏 哀公曰寡人欲學小辯以觀於政可乎孔子曰爾雅以 祁威字文偉茂陵人也好讀書以謂爾雅周公所制而

非本文也写言

訓 0 雅

欠日日年日時

當以問楊子雲子雲曰孔子門徒游夏之傳所記以解

廣博物志

B+九

金岁中是人門 楊信字子烏雄第二子幼而聰慧雄著玄經不會子 楊雄七十三歲擬經 令作九數而復之雄又擬易羝羊觸藩彌日不就子鳥 爾雅小學也又記言孔子教曾良公學爾雅爾雅之出 釋六藝者也家君以為外戚傳稱史佚教其子以爾雅 遠矣舊傳學者皆云周公所記也張仲孝友之論後

日大人何不云荷戟入榛劉

一南學書毛詩正誼人事未能深索女道具故不為也後 一部修好都州部将玄經自隨時雖幅寫一通年尚暗稚 慮誠為信篤然玄道廣遠淹廢歷載師讀斷絕難可一 也童陵末仲子為作解計後奇復街命專盟佚子以所 解付奇與安遠將軍彭城張子布續得覽焉仲子之思 數年專精讀之半歲間粗覺其意於是草創注解未能 女連推求女本不能得也鎮南將軍劉景升遣梁國成 **音常見同郡鄒尔字伯岐與邑人書歎楊子雲所述太**

大正日道 公本

廣博物志

得已續不敢的好著作以虛譽也無合道具使玄不為 論其曲直故合聯之爾夫玄之大義撰着之謂而仲子 矣書曰若網在網有條而弗紊今網不正欲弗紊不可 者因釋而正之所以不復為一解欲令學者膽覽彼此 備故往往有違本錯誤績智意豈能弘裕顧聖人有所 失其古歸休谷之占靡所取定雖得文間異說大體乖 有所述就以仲子解為本其合於道者因仍其說其失 不知匹夫誤有所達加緣先王詢於別義之誼故遂

金少でたる電

乎足下累世窮達極微子孫公命世不絕且幅寫一通 屬心實與五經擬漢家得二百歲卒乎玄四百歲其與 後世所尤而已陸結 乃者讀太玄經知子雲特極陰陽之數也非特傳記之

之書循謂之不及前代之遺文也是以仲尼不見重於 雖有超羣之人猶謂之不及竹帛之所載也雖有益世 戲之以待能者張平子與

ランス・コララ ハトラ

當時太玄見嗤薄於比肩也俗士多云今山不及古山

毎再わち

首易有文玄有赞易有象玄有則易有文言玄有文易 則虚三用三十三策易揲之以四玄揲之以三易有七 易有元亨利貞玄有罔直蒙酋真易大行之數五十其 開輕所見非一世之所患矣非朴 用四十有九玄天地之策各十有八合為三十六策地 之萬今海不及古海之廣今日不及古日之熱今月不 九八六謂之四象玄有一二三謂之三摹易有象玄有 及古月之朗何肯許今之才士不減古之枯骨乎重所

金是四月全書

韓非著書李斯采以言事楊子雲作太玄侯鋪子隨而 卦相重為六十四卦玄以一二三錯于方州部家為、 易與太玄大抵道同而法異易盡有二曰陽曰陰玄畫 九贊合為七百二十九賛皆當春之日 有三日一日二日三易有六位玄有四重部家易以入 玄有衝易有雜卦玄有錯殊塗而同歸百慮而一致 有繋辭玄有攤瑩棿圖告易有說卦玄有數易有序卦 首易每卦有六久合為三百八十四久玄每首有


次巴甲氏的

廣博物志


£ †

宣之 金グロイノニ 幾之才不能成也上 陽成子長作樂經揚子雲作太玄經極窅冥之深非庶 巻二十六

太玄同郡馬秀曰楊雄作太玄惟桓譚以為以傳後世 卷擬易名曰通玄經有文言卦象可用卜筮時人比之 王長文字德儁着無名子十二篇依則論語又著書



金少四月日十 **廣博物志卷二十六**



飲定四庫全書

之記行諸歴代以為格言其餘外傳則神農嘗樂於

廣博物志

笞在三墳五典春秋檮杌即上代帝王之書中古諸侯

史掌書使於四方左史記言右史記事禮

者者述詳界難均有權記當時不然一代若陸賈楚漢 逸事四日瑣言五曰郡書六日家史七曰别傳八日雜 行其所從來尚矣爰及近古斯道漸煩史氏流別殊途 言傳諸孔氏是知偏記小說自成一家而能與正史參 本草夏禹敷上實著山經世本辯姓著自局室家語載 驚推而為論其流有十焉一曰偏記二曰小錄三日 九日地理書十日都邑簿夫皇王受命有始有卒作 **秋樂資山陽公載記王韶晋安陸紀姚梁後畧此之**

巻二十七

榮期語林孔思尚語錄陽松玠談藪此之謂瑣言者也 言猶賢於己故好事君子無所棄諸若劉義慶世說表 英雄蕭世誠懷舊志盧子行知已傳此之謂小錄者也 語拾遺此之謂逸事者也街談卷議時有可觀小說為 謂偏記者也普天率土人物弘多求其行事罕能周悉 國史之任記事記言視聽不該必有遺逸於是好奇之 則有獨舉所知編為短部若戴達竹林名士王粲漢末 一補其所亡若和嶠汲冢紀年葛洪西京雜記顧協聯

次足の車を与

臣徐廣孝子此之謂別傳者也陰陽為炭變化為工流 者也賢士貞女類聚區分雖百行殊途而同歸於善則 載德才子承家思顯父母由是紀其先烈點厥後來若 者皆處預會稽典錄此之謂郡書者也高門華胄爽世 編而記之若周稱陳留者舊周斐汝南先賢陳壽益部 有取其所好各為之錄若劉向列女梁鴻逸民趙採忠 汝賴竒士江漢英靈人物所生載光郡國故鄉人 雄家謀殷敬世傳孫氏譜記陸宗系歷此之謂家中

若潘岳關中陸機洛陽三輔黃圖建康官殿此之謂都 塵經始之制不常厥所的能書其軌則可以龜鏡將來 州土宇萬國山川物產殊宜風化異俗如各志其本國 實搜神劉義慶幽明劉敬叔異苑此之謂雜記者也九 一秦羅含湘中此之謂地理書者也帝王桑梓列聖遺 以明此一方若威弘之荆州記常璩華陽國志辛氏

形賦象於育不育求其怪物有廣異聞若祖台志怪干

廣博物志

邑簿者也更

報源子史記云太史公既而班固曰讚首悅曰論東觀 書不實錄三難也賞罰不中四難也文不勝貧五難也 誤劉明日奏袁宏裝子野自顯姓名皇南諡葛洪列甘 史之為難也有五煩而不整一難也俗而不典二難也 日序謝承曰詮陳壽曰評王隱曰議何法曰述楊雄曰 春秋左氏傳每有發論假君子以稱之二傳云公羊子 五帝三王皆立史官叔錄功美垂之無窮華載

於時則總歸論焉 迷惑也於是載其圖法出亡之周晋大史屠黍見晋之 甚太史令終古乃出奔如商殷内史向擊見紂之愈亂 夏太史今終古出其圖法執而泣之夏桀迷惑暴亂愈 所號史官所撰通稱史臣其名萬殊其義一揆沙取便

也以其圖法歸周春秋

維正月王在成周昧爽召三公左史戎夫曰今夕朕寤

遂事 等了乃取遂事之要戒 俾戎夫言之朔望以間

欽定四庫全書

時功作楚漢春秋九篇孝武之世太史公司馬談欲錯 諸侯則有戰國策三十三篇漢與太中大夫陸賈紀錄 終乎秦末號曰世本十五篇春秋之後七雄並爭秦并 當春秋之世諸侯國自有史故孔子求衆家史記而得 傅國語二十一篇斯益採書志等文非唯魯之史記而 百二十國書如楚之書鄭之志魯之春秋魏之紀年此 己楚漢之際有好事者錄自古帝王公侯鄉大夫之世 其可得言者左丘明既配經立傳又撰諸異同號曰外

職諸名山副在京師以俟後聖君子至宣帝時遷外孫 楊惲祖述其書遂宣布焉而十篇未成有錄而己張曼 **訖麟趾作十二本紀十表八書三十世家七十列傳凡** 綜古今勒成一史其意未就而卒子遷乃述父遺志採 亡失此說非也元成之間會稽褚先生更補其缺作武法云十篇沒後元成之間會稽褚先生更補其缺作武 百三十篇都謂之史記厥協六經異傳整齊百家雜語 左傳國語刪世本戰國策據楚漢列時事上自黃帝下

次定四軍全等 ~

帝紀三王世家龜東日者等傳其龜策日者解多鄙陋

待 從來謬音專旭當專翻耳此人先有髙名翕然行信 晉魏之世在洛京時有一才學重臣新得史記音而 柳 商所續太史公七篇展先宗後 憑舊典以糺其終今則與史記並行於代焉連 遷本意也晋散騎常侍巴西譙周以遷書周泰已 韶 供 見顓頊字為許緑反錯作許緣其人遂謂朝士言 人諸子不專據正經於是作古史考二十 商字子髙 七暮云 陽陵 能屬文與 人事

其子固以父所撰未盡一家乃起元高皇終乎王於十 後代者也於是採其舊事旁貫異聞作後傳六十五篇 平間猶名史記至建武中司徒掾班彪以為其言鄙俗 子歌及諸好事者若憑商衛衛楊雄史冷梁審肆仁晋 史記所書年止漢武太初已後關而不錄其後劉向向 年之後更有碩儒苦相究討方知誤焉賴氏 不足以踵前史又雄歆偽褒新恭誤後感衆不當垂之 馮段肅金丹馮行韋融蕭奮劉恂等相次撰續迄於哀

次定四車全售

詣校書受詔卒業經二十餘載至章帝建初中乃成固 從大家授讀其八表及天文志等猶未克成多是持部 後坐實氏事卒於洛陽獄書頗散亂其能綜理其妹曹 部京兆収緊悉錄家書封上固弟超詣闕自陳明帝引 志傳百篇其事未畢會有上書云固私改作史記者有 見言固續父所作不敢改易售書帝意乃解即出固徵 有二世二百三十年綜其行事上下通治為漢書紀表 大家博學能屬文奉韶校叙又選髙才郎馬馳等十人

梁有僧南渡費一胡蘆有漢書班固真本宣城太守蕭 經相亞初漢獻帝以固書文煩難省乃韶侍中首院依 就其言簡要亦與本傳並行史 左氏傳刪為漢紀三十篇命私書給紙筆經五六年乃

陳世為其主解者凡二十五家至於專門受業遂與五

東觀馬續所作而古今人表不類本書始自漢末迄乎

た色の種という

琛得之謂之瓠史

時都陽嗣王範得班固所撰漢書真本獻東官皇太子

今劉之遊與張續到既陸襄等祭校與同之遊錄其果 古本云彪自有傳义今本紀及表志列傳不相合為次 家古本叙傳號為中篇今本稱為叙傳載班彪事行而 狀數十事其大畧云家古本漢書稱永平十六年五月 後古本外戚次帝紀下又今本萬五子文三王景十三 王孝武六子宣元六王雜在諸傳表中古本諸王悉次 而古本相合為次總成三十八卷又令本外戚在西域 二十一日己酉郎班固上而今本無上書年月日子又

志尚卒以漢書聞顏氏 古本述云淮陰毅毅伏劔周童邦之傑子實唯彭英仕 隸布實照徒越亦狗盗为尹江湖雲起龍驤化為侯王 雅計而今本無此卷也書 為侯王雲起龍驤又古本第三十七卷解音釋義以助 外戚下在陳項傅上又今本韓彭英盧吳述云信惟餓 東莞臧途世年二十餘欲讀班固漢書苦假借不久乃 ,妙夫劉緩乞丐客刺書翰紙末手寫一本軍府服其

NAVIOUS LITTLE

嚴關二史羣言經目則誦時人謂之宿讀養魏 魏収之在議曹與諸博士議宗廟事引據漢書博士 劉臻精於兩漢書時人稱為漢里情 謝舉兄子僑素貴當一朝無食其子故以班史質錢答 暗寫還之界無遺脫南 陸倕所讀一偏必誦於口當借漢書失五行志四卷乃 日寧餓死豈可以此充食乎 智 **外間漢書得證經析魏便忿怒多不復言取韋玄成**

多分四月月十

|娛炳而忠臣義士莫之撰勒於是又詔史官謁者僕射 劉珍及諫議大夫李克雜作紀表名臣節士儒林外戚 孫述事作列傳載記二十八篇自是以來春秋世嗣亦以 司隷從事孟冀作世祖本紀并撰功臣及新市平林公 在漢中與明帝始詔班固與睢陽令陳宗長陵令尹敏 **玄成如此學也說** 傳擲之而起博士一夜共披尋之達明乃來謝日不謂

欠日日東上

諸傳起自建武記乎永初事業垂竟而珍克繼卒復命

金岁中月月日 作東觀接續紀傳之可成者而岂別作朝會車服二志 漢紀熹平中光禄大夫馬日磾議即祭邑楊彪盧植者 傳入崔篆諸人是壽又與議即延篤雜作百官表順帝 功臣孫程郭碩及鄭衆祭倫等傅凡百十有四篇號曰 夫邊韶大軍營司馬崔稟議郎朱穆曹壽雜作存粮崇 侯表南單于西羌傳地理志至元嘉元年復令大中大 侍中伏無忌與諫議大夫黃景作諸王王子功臣思澤 |皇及順烈皇后傳又增外戚傳入安思等后儒林列

書又散騎常侍華崎刑定東觀記為後漢書帝紀十 通綜上下旁引無事為紀志傳凡一十三篇號日續演 於名賢君子自本初己下閱續魏黃初中唯著先賢表 後坐事從朔方上書求還續成十志會董卓作亂大傷 說級其所聞起元光武終于孝獻錄世十二編年二百 故記殘缺至晋不成太始中秘書丞司馬彪始討論衆 西運史臣廢棄舊文散逸及在許都楊彪頗存注記至

火足四車全馬 馬博物志

皇后紀二三譜十典列傳七十總九十七篇其十典竟

者唯范袁二家而已連 漢代後書依首院體著後漢紀十三篇世言漢中與史 被収其十志亦未成而死先是晋東陽太守袁宏抄撮 作後漢書凡十紀十志十八列傳合為百篇會購以罪 至宋宣城太守范惟乃廣集學徒窮覽舊籍刑煩補君 者五家推其所長華氏居敢而遭晉室東徙三惟 不成而卒自斯已後作者相繼為編年者四族割紀傳 (漢紀傳發源東觀袁張所制偏駁不倫薛謝之作疎

金岁日月七十二

固非妄譽也至於晋代之書繁乎著作陸機肇始而未 難徵疎濶寡要唯陳壽三志文質辯治首張比之於是 三雄紀傳互出陽秋魏畧之屬江表吳錄之類或激抗 謬少信司馬彪之詳實華崎之準當則其冠也及魏代

CALIBRAL ALLE

準的至鄧揆晉紀始立條例又撮畧漢魏憲章殷周雖

相州曲學亦有心典誤及交國立例乃鄧氏之規焉上

廣博物志

備王韶續末而不終干實述紀以審正得序孫威陽秋

以約舉為能按春秋經傳舉例發凡自史漢以下莫有

覆車一代以為恨 北台 邕前在東觀與盧植韓說等撰補後漢記會遭事流離 **范晔所撰十志一皆托謝儼搜撰垂畢遇晦敗悉蠟以** 蔚宗後漢傳標列女徐叔不齒而蔡琰見書欲使形管 東觀漢記起光武記汪至靈帝長水校尉劉珍等撰 所載將安準的上 章左帝嘉其才高 不及得成因上書自陳奏其所著十意分別首目連置

動分四月在書

自得之胸懷常謂情志所託故當以意為主以文傳意 三十許始有尚耳自爾以來轉為化心至於所通處皆 范雌微中與諸甥姓書以自序其界曰吾少懶學問年 中謝莊最有其分手筆差易於文不拘韻故也吾思乃 其芬芳振其金石耳觀古今文人多不全了此處年少 無定方但多公家之言少於事外遠致以此為恨亦由 以意為主則其古必見以文傳意則其辭不流然後抽

ここり直によう

廣博物志

無意於文名故也本未開史書政恒覺其不可解耳旣

者在往不減過春篇當共比方班氏所作非但不愧之 **多好四月全書** 之整理未必愧也吾雜傳論皆有精意深古至於循吏 班氏最有髙名既任情無例唯志可推耳博贍可不及 造後漢轉得統緒詳觀古今著述及評論殆少可意者 而已欲偏作諸志前漢可有者悉令備雖事不必多且 以下及六夷諸序論筆勢縱放實天下之奇作其中合

使見文得盡又欲因事就卷內發論以正前代得失意復

不果贊自是吾文傑思殆無一字空設奇變不窮同合

不成又命侍中韋誕應據私書監王沉大將軍從事中 魏史黃初太和中始命尚書衛凱繆張草創紀傅累載 此也恐世人不能盡知多貴古賤今所以稱情狂言耳 即阮籍司徒右長火孫該司隸校尉傅玄等復共撰定 例為舉其大畧耳諸細意甚多自古體大而思精未有 **其體乃自不知所以稱之此書行故應有賞音者紀傳**

Can Died Like

其後王沉獨就其業勒成魏書四十四卷其書多為時

動京四月子書 壽所作便壞已草而罷及壽卒梁州大中正記題表言 書定為五十五卷至晉受命海内大同著作陳壽乃集 動章曜周昭薛瑩沒廣華殿訪求往事相與紀述並作 峻撰吳書峻孚俱非史才其文不足紀錄至少帝時更 諱殊非實錄吳大帝之季年始命太史令何孚郎中項 久闕書遂無聞覈表請曜瑩續成全史其後曜獨終其 之中推營為首當歸命侯時廣昭先亡曜瑩徒點史官 三國史撰為國志凡六十五篇夏侯湛時亦著魏書見

裴松之字世期注三國志其子駰字龍駒注史記 是世言三國志者以裴注為本馬 吳錄显聞間出軍本作間其流最多宋文帝以國志載 王沉字處道太原人也好書善屬文累遷秋書監正元 事傷於簡畧命中書侍郎裴松之兼採衆書補注其闕由 事止明帝其後孫威撰魏氏春秋王隱撰蜀記張勃撰 國志明乎得失辭多勸誠有益風化願垂採錄於是詔

-河南尹就家寫其書先是魏時京兆魚豢私撰魏略

たこり見られ

驗世途之多隘知實錄之難遇且 聞於後代夫世事如此而責史臣不能申具强項之風 文孫威不平竊撰遼東之本以兹避禍幸獲而全是以 勵其匪躬之節益亦難矣是以張儼發憤私存嘿記之 中典著作與首題阮籍共撰魏書多為時諱未若陳壽 **齊史之書崔哉馬遷之述漢非韋昭仗正於吳朝崔浩** 犯諱於魏國或身膏斧鉞取笑於當時或書填坑窖無

多分にたと言

筆之山人雖肆諸市朝投界豺虎可也 孫威有魏氏春秋孔行有隋尚書陳壽王邵曰志何之 固受金而始書陳壽借米而方傳此又記言之奸賊載 **元劉璠曰典並**

王沉魏錄濫述貶甄之韶陸機晉史虚張拒葛之鋒

子謂陳壽有志於史依大義而削點端謂范寧有志於

たいしのはんけい

謂之宜居史職即除著作佐郎使續後事記義熙九年 多历四月石書 銓有著述才每私錄晉書及功臣行狀未就而卒子隱 晉史洛京時著作郎陸機始撰三祖紀佐著作郎東哲 歌向始也棄經而任傅文中 也子曰史之失自遷固始也記繁而志寡春秋之失自 又撰十志會中朝喪亂其書不存先是應陽令陳郡王 善叙事辭論可觀為後代佳史宋 王韶之字休泰瑯琊臨沂人也私撰晉陽秋既成時人 巻二十

修章句混漫者必隱所作時尚書即領國史干實亦撰 上隱雖好述作而辭拙才鈍其書編次有序者皆鈴所 墨由是獲成凡為晉書八十九卷成康六年始請闕奏 資書未遂就乃依征西將軍康亮於武曰鎮亮給其紙 晉紀自宣託愍七帝五十三年凡二十二卷其書簡略 即受韶撰晉史為其同僚處預所斥坐事免官家貧無 博學多聞受父遺業西都事跡多所詳究過江為著作

大七日野日中

直而能婉甚為當時所稱晋江左史官自都粲孫威王

金罗巴尼石量 書皇家貞觀中有韶以前後史十有八家制作雖多未 能盡善乃敕史官更加纂錄採正典與雜說數十餘部 六朝至宋湘東太守何法盛始撰晉中與書勒成一家 兼引偽史十六國書為記十志二十列傳七十載記三 首尾該備齊隱士東完職榮緒又集東西二史合成一 韶之檀道鸞己下相次繼作遠則偏記兩帝近則唯叙 十并序例目錄合為百三十二卷自是言晉史者皆棄

其傷本競從新撰者焉致

鹽之 軟職後鏡之着龜也然前代史官之不終業者皆 代之事司馬紹敕尚書唯給筆礼而己國之大籍成於 官在家書則熊新供爨夜則觀文屬級集成晉書存 陵遲之世不能容善是以平子去史而見賦伯喈違閣 私家末世之弊乃至如此此史官之不遇時也此 世矣是以談遷世事而功立彪固世事而名成此乃前 而就志近僭晋之世有佐郎王隱為著作處預所毀亡

李彪上表曰竊謂天文之官太史之職如有其人宜其

書紹還失之無復兼本遂行何書晉 紹不與至書成在蘇內厨中法或詣紹紹不在直入竊 多定四月全書 / 及功臣傳二十人甚得良史之體凌修語其記誇先帝 故事時人號曰皮裏晉書南 髙平都紹作晋中與書以示何法盛法盛有意圖之謂 劉孝綽子諒字求信小名春少好學有文才尤悉晉代 曰鄉名位顯達我寒士頼有著述流聲於後宜以為惠 十六國史前趙劉聰時領左國史公師或撰高祖本紀

機等相次撰述至石虎並令刊削使勒功業不傳其後 撰上黨國記起居注趙書其後又令王蘭陳宴程陰徐 輔全錄以為無紀後無建與元年董統受韶草創後 熊太傅長史田融宋尚書庫部郎郭仲產北中郎參軍 年不終曜滅後趙石勒命其臣徐光宗歷傅暢郭情等 王度追撰石事集郭都記趙紀等書前然有起居注杜

聰怒而誅之劉曜時平輿子和色撰趙記十篇事止當

「ころいり」をはいる

著本紀并佐命功臣王公列傳合三十卷慕容垂稱其

麻博物志

中書令仍撰南熊錄六卷蜀初號曰成後改稱漢字勢 據又撰華陽國志具記李氏與滅前涼張駁十五年命其 王景暉當事德超撰二主起居注超亡仕於馬氏官至 西曹邊劉集內外事以付秀才索綏作涼國春秋五十 散騎常侍常璩撰漢書十卷後入晋秋閣改為蜀李書 叙事富瞻足成一家之言但褒述過美有輕量史之直 其後申秀范亨各取前後二熊合成一史南熊有趙郡

多分巴乃人言

卷又張重華護軍祭軍劉慶在東苑專修國史二十餘

後著作即董誼追録舊語十不一存及宋武帝入關曾 者京書前秦史官初有趙淵車敬梁熙章譚相繼者述 不報有馮翊車頻助其經始貴作整卒翰乃啟頻暴成 是秦秋書郎趙整參撰國史值秦滅隱於商洛山著書 訪秦國事又命梁州刺史古勒問諸仇池並無所獲先 符堅當取而觀之見的大后幸要威事怒而焚滅其本 年著京記十二卷建康太守索暉從事中即劉昞又各

尺 こり 日 白生

其書以元嘉九年起至二十八年方罷定為三卷而年

多分口人人有量 月失次首尾不倫河東裴景仁又正其訛僻刑為秦記

撰秦紀十卷夏天水趙思本北地張淵於真與承光之 世並受命者其國書及統萬之亡多見焚燒西涼與西 氏之滅殘缺者多泓從弟和都仕魏為左氏尚書又追 篇後秦扶風馬僧虔河東衛隆景並着秦史及姚

宗欽記禿髮氏韓顯宗記吕馮氏唯此三者可知自餘

秦北照其史或當代所書或他邦所錄段龜龍記日氏

不詳誰作魏世黃門侍郎崔鴻乃考戴衆家辨其同具

拙少氣王隱徐廣淪溺罕華上 其子繕寫奏上請職諸私閣由是偽史宣布大行於時 始於江東購獲乃增其篇目勒為十卷鴻沒後永安中 除煩補闕錯綜綱紀易其國書曰錄主紀曰傳都謂之 十六國春秋鴻始以景明之初求諸國逸史逮至始元 一塊集搭備而以循關蜀事不果成書推求十有五年 |祥撰宋書序錄歷說諸家晉史其畧云法威中與於

たこりに とき

廣博物志

=

自永光已後至禪讓十餘年中闕而不載至齊著作即 爰進成前作爰因何孫山蘇所述勒為一言其藏質魯 宋史元嘉中著作郎何承天草創紀傳自此以外悉委 多好四月白書 爽王僧達諸傅又皆孝武自造而序事多虚難以取信 嘉名臣皆其所撰寶生被誅大明六年又命著作郎徐 松之尋卒史佐孫冲之表求别自創立為一家言軍本 宋本無孝建初又動南臺侍御史為實生續造諸傳元 奉朝請山謙之補承天残缺後又命裴松之續成國史

傳四十合成五十九篇時奉朝請吳均亦表請撰齊史 其志以見其才沈約復著齊紀二十篇紀八志十一列 歎曰吾所不,逮也由是世之言宋史者以裴畧為上沈 年為紀十志三十列傳六十合百卷名曰宋書永明末 齊史江淹始受詔者述以史之所難無出於志故先著 其書旣行河東裴子野更刪為宋略二十卷沈約見而

沈約更補綴所遺製成雜史自義熙肇號終乎昇明三

くこり 自己 たい

廣博物志

湯廬江何之元沛國劉璠以所聞見究其始末合撰梁 帝為齊明佐命帝惡其實認燔之然其私本竟能與蕭 私書監謝吳相承撰錄己有百篇值承聖淪沒並從焚 梁史武帝時沈約與給事中周與嗣步兵校尉鮑行卿 見既多可自搜訪也均遂撰齊春秋三十篇其書稱梁 乞給起居注并羣臣行狀有部齊氏故事布在流俗聞 氏所撰並傳於後

典三十篇而紀傳之書未有其作陳祠部即中姚察有

多分四月在書

書不就並 掌詞令沈博歴侍中僕射尚書令有集三十卷著梁 之見其屈一 内雖不伏而莫與抗及聞依卒時為吏部尚書買客候 梁安城王蕭俠博學善屬文天保之朝為一代文宗專 以為笑樂舊事 百卷初饮以文詞擅名所敵擬者唯河東柳信言然柳 志撰勒施功未周但既當朝務兼修國史至於陳亡其 一脚跳連稱日獨步來獨步來衆賓皆舞

にこうる によう

廣博物志

文二帝紀即顧傳所修太建初中書即陸瓊續撰諸 當不以忠孝為美約有輕色語縣 多分四月在書 陳史初有吳郡顧野王北地傳經各為撰史學士其武 傳約戲之曰賢從叔者何可載答曰從叔唯忠與孝君 **课特進沈約撰史王希聃當問約曰從叔太常何故無** 製符同復在今日時以為名對緊 梁武帝曾從容謂蕭子顯云我造通史此書若成衆史 可廢子顯對曰仲尼讚易道點八索述職方除九丘里

始畢功定為梁書五十六卷陳書三十六卷今並行世 依違在并竟未絕筆皇家貞觀初其子思廉為著作郎 奉的撰成二史於是憑其舊豪加以新錄彌歷九載方 事傷煩雜姓察就加州改粗有條貫及江東不守持一 人關隋文帝常索梁陳事跡察具以所成每篇續奏而

ころこうこう ここ

曁乎元明廢而不述神廳二年又詔集諸文士崔浩浩

中劉模長於緝級乃令執筆而口占授之如是者五六 弟覽高問都賴晁維記事黃輔等撰國書為十卷又特 自是遂廢史官至文成帝和平元年始復其職而以高 寫之以示行路浩坐此夷三族同作死者百二十八 張偉並恭著作續成前史書叙述國事無隱惡而刊石 命治總監史任務從實錄復以中書郎高允散騎侍郎 允典著作修國記允年已九十手目俱衰時有校書郎

歲所成篇卷模有力焉初國記自鄧崔以下皆相承作

新定四库在書

髮輪學流憑附得進於是大徵百家譜狀斟酌以成魏 既而崔光遵業補續下記孝明之世溫子昇復修孝武 次収所取史官懼相凌忽故刁辛諸子並乏史才唯以 編年體至孝文大和十一年韵秋書丞李彪著作即作 齊天寶二年 勃私書監魏收博訪舊聞勒成一史又令 紀濟陰王暉業撰辨宗室錄魏史官私所撰盡於斯矢 光始分為紀傳異科宣武時命形戀追撰孝文起居注 刁柔辛元植房延枯睦仲讓裴昂之馬奉幹等助其編 廣博物志

較以更加研審然後宣布於外武成當該諸草臣猶云 史者皆獲重罰或有斃於獄中本怨謗聲不息孝昭世 家論討前後列訴者百有餘人時尚書令楊遵序一代 事遷怒所至毁及高曾書成始奏韵収於尚書省與諸 書上自道武下終孝靖紀傅與志凡百三十卷収韶齊 多定匹庫全書 貴臣勢傾朝野収撰其家傳甚美是以深被賞援諸訟 念售惡甲門威德與之有怨者莫不被以醌言沒其善 氏於魏室多不平既黨北朝又厚誣江左性憎勝己喜

善又較左僕射楊素別撰學士潘嶽褚亮歐陽詢等佐 靖稱傳合紀傳論例總九十二篇煬帝以澹書猶未能 之會素薨而止今世稱魏史者猶以収本為王馬 書為正以失澹以西魏為真東魏為偽故文恭列紀孝 史至隋開皇動著作郎魏澹與顏之推辛德源更撰魏 不實又令治改其所變易甚多由是世海其書號為機

Ca. 13 unt 2:11:

廣博物志

高齊史天統初太常少即祖敬徵述獻武起居名曰黃

初傳天錄時中書侍郎陸元規常從文宣征討着皇帝

多好四月在書 採他書演為五十卷今之言奪史者唯王李二家云並 開皇初奉的續撰增多齊史三十八篇已上送官藏之 私府皇家貞觀初勅其子中書舎人百樂仍其舊錄 **寔錄惟記行師不載他事自武平後史官楊休之杜臺** 居注廣以異聞造編年書號日齊志十有六卷 其序 **劭内令史学德林並少仕都中多識故事王乃憑述起** 卿祖崇儒崔子發等相繼汪記逮於齊滅隋秋書監王 卷馬李在齊預修國史創紀傳書二十七卷至

曹俊初為常侍求人修起居注明曰魏以可悛曰魏以 輕薄徒耳又欲陷収以不孝之罪収銜之収後典國史 以修國史得楊休之助因曰無以謝德當為即作 史北

俊恐被惡言乃悅之曰皆有班固今則魏子以縮鼻 城不釋 非 齊

宇文周史天統年有松書还柳虬兼領著作直辭正色

マスララ ハトー 事有可稱至隋開皇中私書監牛弘追撰周紀十有

廣博物志

篇畧叙紀綱仍皆抵牾皇家貞觀初粉秘書丞令孤德 多好四月在書 修大業起居注及江都之禍仍多散逸皇家貞觀初 禁私書即岑文本共加修緝定為 周書五十卷連 並未有書乃命學士分修事具於上仍使私書監魏徵 卷與新撰周史並行於時初太宗以級陳及齊周隋氏 隋史當開皇仁壽時王劭為書八十卷以類相從定其 書侍郎顏師古給事中孔賴達共撰成隋書五十五 目至於編年紀傳並關其體煬帝世唯有王胄等所

